



20. september 2018

Inatsisartut Suleriaasianni § 37 imm. 1 naapertorlugu Naalakkersuisunut apeqqut imaattoq matumuuna saqqummiuppara.

**Naalakkersuisunut apeqqut:**

- 1. Inuiaqatigiit aningaasaqarneranni sunniuteqaatissanik naliliinermi namminersortut aningaasartuutaat ilanngunnagu pisortat aningaasartuutaasa ilanngunneqartarnerat nalinginnaasuunersoq Naalakkersuisut paasissutissiissutigisinnaanarlugu?**
- 2. Deloitte-p nalunaarutaani (alloriarneq 2)-mi ilimagisat Aningaasaqarnermut Naalakkersuisoqarfiup "Inuiaqatigiit aningaasaqarneranni sunniuteqaatissanik naliliinermi ilitersuut"-mut naammassinninnersoq Naalakkersuisut paasissutissiissutigisinnaanarlugu.**
- 3. Ukiuni qulini kingullerni Nuummi inissanik sanaartornernut Namminersorlutik oqartussat qanoq annertutigisumik tapiissuteqarsimanersut Naalakkersuisut paasissutissiissutigisinnaanarlugu?**
- 4. Illuut A/S-imi akiitsut qanoq annertutiginersut Naalakkersuisut paasissutissiissutigisinnaanarlugu?**
- 5. 2017-imi Kangerlussuarmi Hotelimi Namminersorlutik Oqartussat qanoq annertutigisunik isertitaqarsimanersut Naalakkersuisut paasissutissiissutigisinnaanarlugu?**

(Inatsisartuni ilaasortaq Siverth K. Heilmann, Atassut)

**Tunngavilersuut:**

§ 37 naapertorlugu apeqquteqaammi nr. 178-imik Naalakkersuisut akissuteqaamminni nassuiarpaat, Qaqortumi, Nuummi Ilulissanilu mittarfinnut suliniutinut inuiaqatigiit aningaasaqarneranni sunniuteqaatissanik naliliinermut atatillugu sulisunut inissianut, attaveqaqatigiinnermut atortulersuutinut pioreersunik nutarsaanissamut aamma hotellinut (oqquiffissanut) aningaasaartuutit ilanngunneqarsimanngitsut, taakkununga aningaasaliinissaq aningaasaliisartunit namminersortunik pinissaa naatsorsuutigineqarmat. Illuatungaatigut Kangerlussuarmi taamaattoqarpoq, tassani illut taakku attaveqarnermullu atortulersuutit MIT/Namminersorlutik Oqartussanit pigineqarlutik.

Kissaatigivara ullut suliffiusut qulit qaangiutinnginneranni akissuteqarfigneqarnissara.